

四川通志

(六)

四川通志卷九十

武備志九

邊防一

蜀控西南夷巴中則板楯蠻也汶山則冉駹夷也他若邛笮僰蠻牂牁夜郎羅鄂七姓爰劍百種衣裳班蘭言語侏離鹽神虞君之奇黃龍清酒之誓所見恢異僅與羈縻而漢通楚道句町漏臥初破關而繼騁戈唐禦吐番睽詔說狼始前驅而終反噬宋之烏蠻羅苟熊趙策勲明之播州水西楊奢四川通志卷九十武備邊防十肆虐狼嗥狝突叛服不恆其閒英君誼群元佐幹臣嚴則金鞭寬則玉斧絕則筆楚通則敦盤賓服犁庭措置邊事者秩秩井井我朝日際奉土月竊來賓要荒底寧邊鄙不聳以視南蠻之質侍宴未央東謝之君繪圖王會者奚啻過之閒有覬覦甌脫窺伺邛籠而飛將在壇嘉兵振野雲揚風捲遐息氛消加以出遮入保封堠丸泥臥鼓邊亭滅烽幽障經畫更度越前代所謂李文饒之籌邊陸忠宣之備邊何承矩之安邊皆可職其

詳而統其要矣志邊防

松茂道

漢武帝元鼎六年開冉駹夷地以爲汶山郡至地節三年夷人以立郡賦重宣帝乃省并蜀郡爲北部都尉其山有六夷七羌九氏各有部落其王侯頗知文書而法嚴重貴婦人黨母族死則燒其尸土氣多寒在盛夏冰猶不釋故夷人冬則避寒入蜀爲僮夏則違暑反其邑衆皆依山居止累石爲室高者至十餘丈爲邛籠又土地剛鹵不生穀粟麻菽唯以麥爲資而宜畜牧有旄牛無角一名童牛肉重千觔毛可爲毼出名馬有靈羊可療毒又有食藥鹿鹿麕有胎者其腸中糞亦療毒疾又有五角羊麝香輕毛毼鷄牲牲其人能作旄氍毹屬青頓髦毼羊羴之屬特多雜藥地有鹹土煮以爲鹽麝羊牛馬食之皆肥其西又有三河槃于虜北有黃石北地盧水胡其表乃爲徼外靈帝時復分蜀郡北部爲汶山郡云漢書元鼎六年開白馬氏分廣漢西部合以爲武都上

四川通志

卷九十

武備

邊防

三

地險阻有麻田出名馬牛羊漆蜜氏人勇悍抵冒
貪貨死利居於河池一名仇池方百頃四面斗絕
數爲邊寇郡縣討之則依固自守元封三年氏人
反叛遣兵破之分徙酒泉郡昭帝元鳳元年氏人
復叛遣執金吾馬適建龍領侯韓增大鴻臚田廣
明將三輔太常徒討破之及王莽篡亂氏人亦叛
建武初氏人悉附隴蜀及隴蜀滅其酋豪乃背公
孫述降漢隴西太守馬援上復其王侯君長賜以
印綬後器族人隗茂反殺武都太守氏人大豪齊

鍾雷爲種類所敬信威服諸豪與郡丞孔奮擊茂

破斬之後亦時爲寇盜郡縣討破之

漢書

蜀漢後帝建興九年汶山羌叛安南將軍馬忠督
將軍張嶷討之嶷受兵馬三百人隨馬忠討叛羌
嶷別營數營先至他里邑所在高峻嶷隨山立上
四五里羌于要厄作石門于門上施牀積石于其
上過者下石槌擊之無不糜爛嶷度不可得攻乃
使譚告曉之曰汶汶山諸種反叛傷害良善天子
命將討滅惡類汝等若稽顙過軍資給糧費福祿

四川通志

卷九十

武備

邊防

四

永隆其報百倍若終不從大兵致誅雷擊電下雖
追悔之亦無益也昔帥得命卽出詣嶷給糧過軍
軍前討餘種餘種聞他里已下悉恐怖失所或迎
軍出降或奔竄山谷放兵攻擊軍以克捷

三國志

建興十四年武都氏王符健請降遣將軍張尉往
迎過期不到大將軍蔣琬深以爲念嶷平之曰符
健求附款至必無他變素聞健第狡黠又夷狄不
能同功將有乖離是以稽留耳數日間至健第果
將四百戶就魏獨健來從

三國志

唐太宗貞觀八年吐番始遣使來朝吐番本西羌
屬百有五十種散處河湟江岷間有發羌唐旄等
居析支水西祖曰鶻揚勃率野健武多知稍并諸
羌據其地蕃發音近故其子孫曰吐番而姓勃率
野或曰南涼禿髮利鹿孤之後二子曰樊尼曰得
檀得檀嗣爲乞佛熾盛所滅樊尼挈殘部臣沮渠
蒙遜以爲歸松太守蒙遜滅樊尼率兵西濟河逾
積石或居跋布川或居邏娑川遂撫有羣羌其俗
謂疆雄曰贊大夫曰普故號君長曰贊普妻曰未

蒙其官有大相曰論莖副相曰論莖扈莽各一人
亦號大論小論都護一人曰悉編掣連又有內大
相曰曩論掣連亦曰論莽熱副相曰曩論寬零連
小相曰曩論充各一人又有整事大相曰喻寒波
掣連副整事曰喻寒寬零連小整事曰喻寒波充
皆任國事總號曰尚論掣連突瞿其後有君長曰
寂悉董摩董摩生陀土度陀土度生揭利失若揭
利生勃弄若勃弄生詎素若詎素生論贊素一名
論贊宗隋開皇中居牂牁西論贊生葉宗弄贊亦

四川通志 卷九十 武備

邊防

五

名葉蘇農亦號弗夜氏爲人才雄常驅野馬羣牛
馳刺之以爲樂西域諸國其臣之至是遣使者來
朝帝遣行人馮德退下書臨撫弄贊聞突厥吐谷
渾並得尚主乃遣使齎幣求昏帝不許使者還妄
語曰天子遇我厚幾得公主會吐谷渾王入朝遂
不許殆有以閒我乎弄贊怒率羊同共擊吐谷渾
吐谷渾不能抗走青海之陰盡取其貲畜又攻黨
項白蘭羌破之勒兵二十萬入寇松州命使者貢
金甲且言迎公主謂左右曰公主不至我且深入

乃詔吏部尚書侯君集爲行軍大總管出當彌道
右領軍大將軍執失思力出自白蘭道右武衛大將
軍牛進達出闕水道右領軍將軍劉蘭出洮河道
竝爲行軍總管率步騎五萬進討進達自松州夜
鑿其營斬首千級初東寇也連歲不解其大臣請
返國不聽自殺者八人至是弄贊始懼引而去以
使者來謝罪固請昏許之遣大論薛東贊獻黃
金五千兩他寶稱是以爲聘妻以宗女文成公主
詔江夏王道宗持節護送築館河西弄贊率兵次

四川通志 卷九十 武備

邊防

六

柏海親迎執禮甚恭見中國服飾之美縮縮媿
沮歸國自以其先未有昏帝女者乃爲公主築一
城以夸後世遣諸豪子弟入國學習詩書又請儒
者典書疏帝伐遼遣使薛東贊上書曰天子自將
度遼墮城陷陣指日凱旋雖屬飛于天無是之速
夫鵝猶鴈也臣謹冶黃金爲鵝以獻高七尺中實
酒三斛二十二年右衛率府長史王元策使西域
爲中天竺所鈔弄贊發精兵從元策討破之來獻
俘高宗永徽初死無子立其孫幼不事故薛東贊

四川通志

卷九十 武備

邊防

七

相其國顯慶三年吐谷渾內附祿東贊怨忿率銳
兵擊之破其國詔梁州都督鄭仁泰爲青海道行
軍大總管率將軍獨孤卿雲等屯涼鄯左武侯大
將軍蘇定方爲安集大使爲諸將節度以定其亂
吐番使論仲琮入朝表吐谷渾罪帝遣使者譙讓
乃使來請與吐谷渾平憾求赤水地牧馬不許祿
東贊死有子曰欽陵曰贊婆曰悉多干曰勃論兄
弟竝當國自是歲入邊盡破有諸羌羈縻十二州
咸亨元年入殘羈縻十八州詔右威衛大將軍薛
仁貴爲邏娑道行軍大總管左衛員外大將軍阿
史那道真左衛將軍郭待封副之出討吐番并獲
吐谷渾歸國師十餘萬至大非川爲欽陵所拒王
師敗績遂滅吐谷渾而盡有其地上元二年進攻
疊州破蜜恭丹嶺二縣又攻扶州敗守將詔命中
書令李敬元爲洮河道行軍大總管討之又敕益
州長史李孝逸備州都督拓王奉逸發劍南山南
士先戰龍支吐番敗敬元率總管劉審禮擊吐番
青海口審禮戰沒敬元頓承風嶺礙險不得經吐

四川通志

卷九十 武備

邊防

八

番壓王師屯左領軍將軍黑齒常之率死士五百
夜斫其營虜驚自相輻藉而死者甚衆儀鳳四年
贊普死子器弩悉弄立欽陵復擅政初劍南道度
茂州之西築安戎城以迤其鄙俄爲生羌導虜取
之以守因并西洱河諸蠻盡臣羊同黨項諸羌其
地東與松茂嶺接南極婆羅門西控安西四鎮北
抵突厥幅員萬餘里漢魏諸戎所無也武后時與
蠻夷同朝賀永昌元年詔文昌右相韋待價爲安
息道大總管安西大都護閻溫古副之以討吐番
兵逗遛坐死明年復詔文昌右相岑長倩爲武威
道行軍大總管討之兵半道罷又明年大首領曷
蘇率貴川部與黨項種三十萬降后以右玉鈴衛
將軍張元遇爲安撫使率兵二萬迎之次大度水
吐番禽曷蘇去而它酋皆插又率羌蠻八千自來
元遇卽其部置葉州用笱插爲刺史刻石大度山
以紀功初后方謀開蜀山由雅州道翦生羌因以
襲吐番子昂上書以七驗諫止之后從之欽陵專
國久常居中制事諸弟皆領方面兵而贊婆專東

境幾三十年爲邊患兄弟皆才畧沈雄衆憚之器
勢悉弄旣長欲自得國漸不平乃與大臣論嚴圖
去之欽陵方提兵在外贊普託言獵卽勒兵執其
親黨二千餘人殺之召欽陵贊婆欽陵不受命贊
普自討之欽陵兵潰自殺左右殉者百餘人贊婆
以所部及兄子莽布支等款塞遣羽林迎勞擢贊
婆特進輔國大將軍歸德郡王莽布支左羽林大
將軍安國公贊普自將萬騎攻悉州都督陳大慈
四戰皆克明年乃獻馬黃金求昏而虜南屬帳皆
叛贊普自討死于軍國人立棄隸蹄贊爲贊普始
七歲會監察御史李知古進討姚州蠻制吐蕃鄉
導詔發劍南募士擊之蠻會以情輸虜殺知古進
攻蜀漢詔靈武監軍右臺御史唐九徵爲姚嵩道
討擊使率兵擊之中宗景龍二年遣使者宗俄請
昏帝以雍王守禮女爲金城公主妻之吐蕃遣尚
贊咄名悉臘等逆公主詔左衛大將軍楊矩持節
送帝爲幸始平帳飲羣臣及虜使者改始平縣爲
金城鄉曰鳳池里曰怡別公主至吐番自築城以

居吐番雖和然犯邊無閒歲元宗開元中請交馬
于赤嶺互市於甘松嶺宰相裴光庭曰甘松中國
阻不如許赤嶺乃聽以赤嶺爲界表大碑刻約其
上二十六年大入河西詔王昱爲劍南節度使昱
以劍南兵入攻安戎城築二小壘左右之兵次逢
婆嶺輸劍南粟餉軍吐番悉銳來救昱大敗小壘
皆沒士卒死數萬昱貶死高要以張宥代節度劍
南章仇兼瓊爲益州司馬旋代宥節度劍南取安
戎城殺虜戍吐番圍安戎絕水道會石裂泉湧虜
驚去復攻維州不得志天寶二年吐番與蠻閣羅
鳳聯兵攻瀘南劍南節度使楊國忠方以姦固上
自言破蠻衆六萬于雲南拔故洪州等三城獻俘
口十四年安祿山亂邊候空虛吐蕃乘隙暴掠肅
宗至德初取嵩州及威武等城入屯石堡復取廓
霸岷等州代宗寶應二年入松威保等州及雲山
新龍城明年劍南節度使嚴武破吐番南鄙兵七
萬拔當狗城又拔鹽州戰西山取其衆八萬大歷
間西川節度使崔寧破虜于西山又被虜故洪節

四川通志

卷九十

武備

邊防

二

皮氏蠻黨項等兵斬首萬級禽酋領千人牛羊麋
毳甚衆吐番亦人掠黎雅於是劍南兵合南詔與
戰大破之禽大範官論器然又侵坊州取黨項牧
馬崔寧攻望漢城破之山南西道節度使張獻恭
戰岷州吐番走寧破西山三路及邛南兵斬首八
千級吐番乃南合南詔衆二十萬攻茂州器扶文
遂侵黎雅時天子已發幽州兵馳拒虜大奔破德
宗建中元年寇劍南時崔寧朝京師未還蜀詔神
策都將李晟將神策兵救之踰漏天拔飛越等城
絕大度河斬虜千級虜遁去乞歸其俘蜀將士言
不可上曰戎狄犯塞則擊之服則歸之擊以示威
歸以示信威信不立何以懷遠悉命歸之是年吐
番遣使入貢憲宗貞元二年節度使章阜以劍南
兵戰臺登殺虜將乞臧遮遮悉多楊朱不三年盡
得嵩州地破虜堡五十餘所敗其南道元帥論莽
熱沒訥乞悉莧又與南詔破之于神川于鐵橋俘
馘三萬降首領論乞髡湯沒藏悉諾碑十二年章
阜取新城虜治劍山馬嶺進寇臺登嵩州刺史曹

四川通志

卷九十

武備

邊防

三

高仕擊却之禽範官斬級三百獲馬糧器械數千
十六年章阜拔木恭永二城十七年掠黨項諸部
屯橫槽烽章阜出西山與虜戰破之雅州範官馬
定德虜之知兵者比年寇黎嵩章阜常折其兵定
德畏得罪遂來降因定昆明諸蠻吐番以下屢叛
大侵靈州時阜圍維州贊普使論莽熱沒範乞悉
范康松州五道節度兵馬都統率救大使引兵十
萬援維州阜率南詔兵薄險設伏以待纔使千人
當敵乞悉莧見兵寡悉衆追墮伏中兵四合急擊
遂禽乞悉獻京師又拔其峨和鷄棚城文宗太和
五年維州守將悉怛謀率城以降劍南西川節度
使李德裕受之收符章使鑑更遣將虞藏儉據之
州南抵江陽岷山西北望龍山一面崖三面江虜
號無憂城爲西南要計會牛僧孺當國獨謂納降
無以示信議還悉怛謀歸其城吐番誅無遺種以
怖諸戎武宗會昌三年德裕上維州事狀乞追獎
詔贈悉怛謀爲右衛將軍是時吐番贊普病不視
事委任大臣故不能抗中國邊候晏然死以弟達

磨嗣達磨嗜酒好畋獵喜內囚悞少恩政益亂贊
普死無子以妃兄尚延力子乞離胡爲贊普始三
歲國內亂終唐之世不振云 新唐書

貞觀二十二年松州蠻叛松外蠻數十百部大者
五六百戶小者二三百凡數十姓趙楊李董爲貴
族皆擅山川不能相君長有城郭文字頗知陰陽
歷數自夜郎滇池以西皆莊蹻之裔貞觀中嵩州
都督劉伯英上疏松外諸蠻率羣附亟叛請擊之
西洱河天竺道可通也于是太宗以右武侯將軍

四川通志

卷九十

武備

邊防

圭

梁建方發蜀十二州兵進討酋帥雙舍拒戰敗走
殺獲十餘萬羣蠻震駭走保山谷建方諭降者七
十餘部戶十萬九千署首領蒙和爲縣令餘衆咸
悅西洱河蠻亦曰河蠻道絲郎州走三千里建方
遣奇兵自嵩州道千五百里掩之其帥楊盛大駭
欲遁去使者好語約降乃遣首領十人納款軍門
建方振旅還二十二年西洱河大首領楊同外東
洱河大首領楊斂松外首領蒙羽皆入朝授官秩
顯慶元年西洱河大首領楊棟附顯和蠻大首領

王羅祁郎昆黎盤四州大首領王伽衡率部落四
千人歸附入朝貢方物其後茂州西南築安戎城
絕吐番通蠻之道生羌爲吐番鄉導攻拔之增兵
以守西洱河諸蠻皆臣吐番開元中首領始人朝
授刺史 新唐書

宋神宗熙寧八年築茂州城茂州諸部落蓋塗靜
當直時飛宕恭等九州蠻也蠻自推一人爲州將
治其衆而常詣茂州受約束茂州居羣蠻之中地
不過數十里宋初無城墮惟植鹿角自固蠻乘夜

四川通志

卷九十

武備

邊防

圭

屢入寇民甚苦之相率詣州請築城知州事范百
常實主是役蠻以爲侵其地率衆奄至百常擊走
之乃合靜時等蠻來寇百常拒守凡七十日詔遣
王中正將陝西兵來援入恭州宕州誅殺頗衆蠻
乃降政和五年有直州將鄧永壽湯延俊董承有
等各以地內屬詔以永壽地建壽寧軍延俊承有
地置建寧軍時威州亦建亨祺二州然亨至威纔
九十里壽寧距茂纔五里非扼控之所未幾皆廢
七年塗靜時飛等州蠻復反茂州殺掠千餘人知

成都周憲遣兵馬鈴轄張永驛等擊之畏懦不敢進皆坐黜以孫羲叟節制絲茂軍於是中軍將种友直等破其都縣板舍原諸族蠻敗散其酋旺烈等詣茂州請降乃班師授旺烈官月給茶絲自後蠻亦騎宣和五年宕恭直諸部落入寇六年塗靜蠻復犯茂州云

宋史

四川通志

卷九十

武備

邊防

五

焉保州有董仲元霸州有董永錫者嘉祐及熙寧中皆嘗請命於朝至是因恭孫言開拓置官吏以董舜咨保州地爲祺州董彥博霸州地爲亨州授舜咨刺史彥博團練使舜咨尋遷觀察使彥博畱後遂爲節度使詔成都給居第田十二頃二州經費歲用錢一萬二千一百緡米麥一萬四千七百石絹二千八百五十匹紬布綾絲茶鹽銀等不預焉後皆爲砦

宋史

明太祖洪武六年茂州權知州楊者七及隴木頭

靜州岳希達諸土官來朝貢十一年置茂州衛指揮使司時四川都司遣兵修灌縣橋梁至陶關汶州土酋孟道貴疑之集部落阻陶關道都司遣指揮胡淵童勝等統兵分二道擊之一由石泉一由灌口由灌口者進次陶關蠻眾伏兩山間投石崖下兵不能進適汶州土官來降得其閒道乃選勇士捲旗甲乘夜潛出兩山後遇明從山頂張旗幟發大礮蠻驚潰師進鴈門關道險巖復據之乃駢平野得小舟渡至龍止鐵冶寨擊破之其由石泉

四川通志

卷九十

武備

邊防

六

者次泥池蠻悉眾拒千戶薛文突陣射却之士卒奮擊大敗其眾兩軍遂會於茂州楊者七迎降以者七仍領其州乃詔立茂州衛畱指揮楚華將兵三千守之十五年者七陰結生番約日伏兵陷城有小校密告於官遂發兵捕斬者七生番不之覺如期入寇官軍掩擊敗之於是盡徙羌民於城外

明史

洪武十二年命平羌將軍御史大夫丁玉定松潘敕之曰松潘僻在萬山接西戎之境朕豈欲窮兵

遠討但羌戎屢寇邊征之不獲已也今捷至知松州已克徐將資糧於容州進取潘州若盡三州之地則疊州不須窮兵自當來服須擇士勇者守納都疊溪路其驛道無阻邊者不可守也來降諸戎長必遣人朝朕親撫諭之遂併潘州於松州置松州衛指揮使司丁玉遣寧州衛指揮高顯城其地十三年帝以松州衛遠在山谷屯種不給餽餉爲難命罷之未幾指揮耿忠經署其地奏言松州爲番蜀要害地不可罷命復置十四年置松潘等處

年復命指揮耿忠經署其地忠言臣所轄松潘等處安撫司屬各長官司宜以其戶口之數量其民力歲令納馬置驛而籍其民充驛夫供徭役從之既而松潘羌民作亂官兵討平之焚松州及疊溪城十七年松潘八積族老虎等寨蠻亂官兵擊破之獲馬一百二十犏牛三百犛牛五百九十景川侯曹震請擇良馬貢京師餘給軍其犏牛犛牛非中國所畜令易糧餉犏軍從之十八年松州羌反成都衛指揮成信等率兵攻其牟力等寨破之兵還又遇賊三千人於道復擊敗之追至乞刺河乃還二十年改松州衛爲松潘等處軍民指揮使司改松潘安撫司爲龍州二十一年朵貢生番則路南向等引草地生番千餘人寇潘州阿昔洞長官司殺傷人日指揮周助率馬步軍同松潘衛軍討之番寇率衆迎戰千戶劉德破之斬首三十頭級獲馬三十餘匹賊潰渡河四十餘里復收敗卒屯聚指揮周能追擊之斬首一百三十餘級獲馬六十餘匹溺死甚衆羣番遠遁

明史

洪武十三年八月水盡源通塔坪散毛諸洞蠻作亂命江夏侯周德興充征南將軍安慶侯仇成充副將軍征容美等洞時德興方搜捕五溪聞命即與仇成等移兵進討皆平之

蜀故

宣宗宣德二年四川巡按等奏松潘衛所轄阿用等寨蠻寇擁衆萬餘傷敗官軍請討之帝意邊將必有激之者既四川都司奏至言並非番寇實由千戶錢宏因調發松潘官軍往征交阻衆憚行宏詭言番寇至當追捕冀免調又領軍突入麥匪諸

四川通志

卷九十

武備

邊防

尤

族逼取牛馬致番人忿怨復以大軍將致討憐之番衆驚潰約黑水生番爲亂帝命逮宏等而責諸司怠玩邊務亟捕諸傷官軍者遣都指揮僉事蔣貴往同松潘衛指揮吳瑋招撫番寇令調附近諸衛軍二萬人以行時賊圍松潘壘溪茂州斷索橋官軍與戰皆敗出掠緜竹諸縣官署民居皆被焚燬鎮撫侯璉死之蜀王遣護衛官校七千人來援命都督陳懷與指揮蔣貴等合師亟討之而梟宏於松潘以徇并寬諸將之貪淫玩寇者三年陳懷

四川通志

卷九十

武備

邊防

三

等率諸軍屢敗賊於圪答壩葉家關奪永鎮等擒復疊溪撫定耶命等十族又招降湯卓等二十餘寨松潘平八年八部安撫司及思囊兒十四族朝貢之使陞辭令齎敕還諭其土官俾約束所轄蠻民安分循理毋作過以取罪戾九年敕指揮僉事方政蔣貴等撫剿松潘政等至極諭福福威茂諸衛俱罷命惟松潘壘溪所轄任昌已猪黑虎等寨梗化政令指拒趙德高聚等以次進兵平龍溪等三十七寨班師命蔣貴佩征蠻將軍印鎮守松潘十年歲奉比因番人不靖松潘壘溪諸處食糧支銷殆盡別無儲積帝命戶部於四川歲運之數量撥二分給之後選按御史王翺上便宜五事其一謂松潘邊遠土名城八百餘里番寇爲害都督陳懷居名城緩急未便雖委官領軍難盡約束當令懷往彼鎮守以壓邊境其二謂松潘威茂諸衛所官軍月糧乃成都諸府州縣所運多被剽掠若令暫於成都諸府州縣等衛倉收貯農隙之際預集有糧諸人齊力起運而都司撥軍護之且令布

政司委官交糧則道路無虞而收受亦無弊上曰
善遂敕陳懷鎮松潘正統四年以王翺代懷著威
惠番酋商巴等咸悅盡率諸部受約束入貢者接
踵明史

宣德二年置麻兒匪安撫司麻兒匪簇去松潘七
百里有刺麻著八讓卜聚眾侵掠遮遏八郎安撫
朝貢松潘衛指揮吳璋招之讓卜向化使其兒子
完卜入貢且言其地廣過於八郎請置宣撫以轄
之上乃置麻兒匪安撫司以著八讓卜為安撫使

四川通志 卷九十一 賦備 邊防 主

既而龍州土官薛忠義請升龍州為宣慰以鎮番
戎不許後改龍州宣撫司隸布政司舊通志

宣德二年茂州岳希達長官司血只同與靖州隴
木頭長官司各寨羌民一百七十餘人奏言茂州
僻處邊隅與松潘疊溪生番接界累歲被害有知
州陳敏在官能撫卹人民制馭生番今敏以親喪
棄民失所請本官起復以安邊境敕令復任舊通志
英宗正統三年嚴州長官司讓達作亂侵雜道諸
邊雜道長官安白訴於朝帝命四川三司往諭之

皆歸附四年松潘指揮趙得奏附命族番寇商巴

作亂官軍捕禽之其弟小商巴復聚浦江新塘等

關據險劫掠乞發大軍剿除帝命李安允總兵官

王翺參贊軍務調成都左衛官軍及松潘土兵合

二萬人征之已鄉知商巴為都指揮趙諒所陷乃

按誅諒而釋商巴等事遂已九年松潘指揮僉事

王景泰比者黑虎等寨番蠻攻圍松潘等關

堡殺傷官兵欲行禽剿悉各寨驚疑應詔能禽賊

者重賞之報可十五年黑虎寨賊首多兒太伏誅

四川通志 卷九十一 武備 邊防 主

初多兒太掠茂州境為官軍所獲誡而釋之未幾

復糾諸寨入掠帝命序班郭全往諭諸寨禽多兒

太至京梟其首十一年以寇深為益都御史提督

松潘兵備修飭營堡平治道路於疊溪路上添設

普安靖夷鎮番三堡又於麻答岸青岡嘴盡佛崖

海螺洞萬江崖沿山鑿石駕木懸棧糜費鉅緡巨

萬軍民苦困而後人賴其利時松潘皆已向化惟

正地什鹿族二十寨不服命督高廟王景等剿之

設思曩日安撫司以阿思觀為之使隸松潘衛先

是阿思觀父端葛洪武中歸順給金牌撫番至阿思觀又能招撫故有是命

明史

景泰帝景泰三年鎮守松潘刑部左侍郎羅綺等奏雪兒卜寨賊首卓時芳等烟崇寨賊首阿兒結等累年糾合於安化關劫掠臣會師抵其巢穴斬首不計其數生擒卓時芳阿兒結等梟斬於市七年提督松潘羅綺復奏松潘土番王永習性兇獷嘗殺其土官高茂林男婦五百餘口及故土官董敏子伯浩等二十餘人今又糾合番蠻攻劫地方

四川通志

卷九十

武備

邊防

重

臣與指揮周貴等統領官軍直抵桑坪已將永等誅滅邊境肅清降敕褒賞初諸蠻并起羅綺檄悔罪不聽乃招募材武得禪師智中牌頭尤弄柯皆豪健各統精銳乘夜銜枚分道鳩賊巢綺介曹隨之破撲爬諸寨擒劇賊卓勞阿兒結十餘人戮之既定治以簡易暇卽與番人接杯酒歡番人畏慕終綺任不敢叛

明史

英宗天順四年番羌攻剗石泉縣治出沒爛柴灣魚灘子等處烽火及於安縣衛指揮曹敏以聞鎮

守參將周貴都指揮李文會同副使劉清王邑修城垣扼關隘五年番蠻邀截糧道入龍州安泉等處松潘總兵許貴會兵平之

舊通志

憲宗成化二年大監閻禮奏松茂疊溪所轄白草壩等寨番羌聚眾五百人越龍州境剗掠白草番者唐吐番蠻普達種上下凡十八寨部曲素強恃其險阻往往剗奪為患四年禮復奏白草諸番擁眾寇安縣石泉諸處因各軍俱調征山都掌蠻致指揮王瑋備禦不謹命副總兵盧能勦之能遣指

四川通志

卷九十

武備

邊防

重

揮閻斌巡邊至廟子寨番賊三百突至殺傷相當斌以失機逮治九年巡撫夏垣奏黑虎寨賊首夜合等劫攻關堡左參將宰用兵備副使沈琮督兵馳詣松溪堡敗之斬獲夜合等三十六級松潘指揮俞事堯或奏臣與兵備沈琮分勦白馬路水土茹兒等番寨大克之初黑虎寨最強相傳有神術先知官兵未至卽遁去或潛伏要害竊發屢敗我眾按察使藍璉獨曰我自不密耳彼何能知夜半密勒諸將統兵進凡三十里平明抵其寨蠻大驚

潰斬縛各千人得其首惡餘潰死無算既而大征

破寨二十餘斬五百級降者數千皆編籍輸糧副

使陳思忠于大石佛嘴鑿山開路人皆使之乃復

遍勸惡匪平山諸寨斬首百餘級

明史

憲宗成化十一年蠻勢復張按察司僉事林璧奏

請交職重臣提督軍事乃敕巡撫四川右副都御

史張瓚兼理邊務十三年瓚調漢土官兵五萬分

布東南二路駐劄十月令都指揮沈運李鎬等分

兵攻勦授坪懦弱白羊嶺鵝飲溪大白飲馬池通

四川通志

卷九十

武備

邊防

事

林等二十一寨進克木瓜竹頭坪等寨斬蠻四百

餘人於是商巴等二十六族詣軍門獻馬納款各

諭以利害遣之十四年正月僉事林璧進攻黃頭

復水諸寨俘賊三百餘人總兵堯或領兵二萬攻

西坡等寨都指揮謝琳等分兵爲五哨進取前後

殺獲男婦七百餘人赭其碉房九百墜崖死者不

可勝計番蠻困憊輸款

明史

孝宗宏治二年松潘番寇殺傷平夷堡官軍命述

指揮以下各官治之三年免思曩日安撫等十六

族明年朝覲以守臣言其地方災傷也七年松潘

空心寨番賊犯邊都指揮僉事李鎬敗之十三年

番賊入犯松潘壩州坡抵關勢益猖獗命速指揮

湯綱等敕巡撫張瓚調漢土官兵五萬由東南二

路分剿破白羊嶺鵝飲溪等三十一寨斬四百餘

級商巴等二十六族皆納款十四年復攻黃頭青

水諸寨前後殺獲男婦七百餘人赭其碉房九百

墜崖死者不可勝計諸番稍靖

明史

武宗正德元年巡撫劉洪奏斬命族長官司所攝

四川通志

卷九十

武備

邊防

事

番衆多至三十寨少亦二十餘寨環布松潘兩河

其土官已故子孫自應承襲个宜察勘有願降印

信者方許襲報可

明史

正德二年太監羅備奏茂州所轄卜南村曲山等

寨乞爲白人願納糧差其俗以白爲善以黑爲惡

禮部覆番人回化宜令入貢給賞從之

明史

正德十四年巡撫馬昊調松潘兵攻小東路番寨

而茂州核桃溝上下關番蠻懼遂糾白石羅打鼓

諸寨生番攻圍城堡游擊張傑敗績

明史

正德十五年巡撫盛應期奏綽頭番犯松州總兵張傑克之復犯雄溪屯指揮杜欽敗之烟崇等寨皆降十六年松潘衛熟番入大廳等作亂同知杜

欽平之

明史

世宗嘉靖五年命都督僉事何卿鎮守松潘時黑虎五寨及烏都鴉鴿諸寨叛卿次第平之

明史

嘉靖十一年白草番寇壩底堡都御史宋滄討之降其衆諸夷獻侵地二千頃

明史

嘉靖十二年土官節貴糾合隴東十二寨遠連青

四川通志

卷九十

武備

邊防

毛

片板舍白草壩白若羅打鼓等寨生熟番數千人

從李坪後山徑趨壩底堡環攻三日後七日最後

一日凡三次燬四山民居百餘男婦死者無算卿

禦之面中流矢先遣銳卒朱朝用等截殺斬首十

級復鼓勵邨民軍民殊死戰斬獲甚衆蠻以木爲

巨櫃底身挖城幾崩卿以石臼從上擊之櫃破蠻

死乘勝擊之遂奔潰

舊石泉縣志

嘉靖十四年春正月白草壩蠻屢寇壩底堡都御

史馬昊檄都督何卿率部伍併募邨民以精甲八

百人取道桃紅轉架所過礮砦皆毀之斬級八十有奇蠻竄匿走馬嶺官軍剽營五日師次方由地名而還

舊石泉縣志

嘉靖二十五年曰草壩番陷平番堡明年劫石泉

羊角白泥大方等處巡撫張時徹都督何卿討平

之卿於二十三年以北警召赴京營平番堡提督

指揮邱仁無備番衆數千突至攻陷之執仁等數

百人軍民商賈遇害者以千計副總兵高岡鳳被

劾署巡撫王大用巡撫張時徹巡按袁鳳鳴交章

四川通志

卷九十

武備

邊防

毛

請卿還鎮二十六年卿至汰冗兵二萬提銳卒九

千人會時徹討之以三路進兵一由龍州一由石

泉一由壩底卿乘霧直趨走馬嶺大破之擒渠魁

黑煞李保白兒撒哈等俘斬九百七十有奇克營

砦四十七毀礮房四千八百七十獲馬牛器械儲

積各萬計先是議兵四萬人糧四十萬石卿裁革

過半亟寢輟輓民困以甦自威茂迄松潘龍安夾

道築牆數百里行旅往來無剽斂患卿素有威望

爲番人所憚前後蒞任二十四年民戴之若慈母

其去也爲之立祠 舊石泉縣志

嘉靖二十九年漳臘二十九部羌元壩潘嘔商巴石嘴等與北庭小王子吉囊相通吉囊寇河西欲服屬租兒結白利不從吉囊死其子插幹兒及傳蚌竝富強仍欲服屬租兒結白利仍不從會俺答念吉囊渡河託言鐵嶺山有生佛出欲遣他子賓兒往鐵嶺建寺因盡得插幹兒及傳蚌馬畜而使傳蚌誘租兒結使租兒結誘白利竝歲奉貢獻萬歷三年俺答親渡河迎佛入寇牟泥寨包子寺與

四川通志 卷九十 武備

邊防

元

松城相去止二十里而元壩潘嘔商巴石嘴四寨竝闌出物與俺答交易且以二百騎寇余余壩聲言欲遍寇保定撒喇洮岷松茂諸邊是時副使來經濟兵備李丁竝請于都御史李尚思徵天全六番播州土兵得六千人以萬蓋郭成邊之垣軍漳臘松林西寧諸處以禦之部使李化龍上書曰松潘者全川之門庭也臣按輿地由松潘而北則爲漳臘漳臘之項北可望洮岷西可望莽捏以松潘而視西部僅有此山爲之閑耳其中嶮巖高峻盡

屬土番土番外結則爲患不小矣是不可不早爲備也會俺答賓兒俱徙去獨火落赤畱伏捏工川如故而兵亦旋罷 舊通志

嘉靖四十四年龍州宣撫薛兆乾拒命伏誅初龍州薛文勝於洪武六年來降命仍知龍州既置松潘安撫司命文勝爲安撫使既置松州衛仍以松潘爲龍州宣德九年升龍州爲宣撫司以土知州薛忠義爲宣撫使龍州者漢陰平道也宋景定間臨邛進士薛嚴來守是州捍衛有功得世襲自文

四川通志 卷九十 武備

邊防

三

勝歸附其部長李仁廣王祥皆輸糧餉有功亦得世襲及宣德中以征松潘功升州爲宣撫使仁廣爲副使祥爲僉事各統兵五百世守白馬白草木瓜番地至嘉靖四十四年宣撫薛兆乾與副使李蕃相仇訐兆乾率衆圍執蕃父子毆殺之撫按檄兵備僉事趙教勘其事兆乾懼與母陳氏及諸左右糾白草番衆數千人分據各關隘拒命絕松潘餉道脅僉事王華不從屠其家居民被焚掠者無算是年春與官軍戰不利求救於上下十八族番

蠻皆不應兆乾丰其家屬奔至石壩官軍追及之就禽四十五年兆乾伏誅籍其家母及其黨二十二人皆以同謀論斬餘黨悉平遂改龍州官撫司爲龍安府設立流官如馬湖而割保寧之江油成都之石泉二縣分隸之

明史

神宗萬曆七年大征人荒漫舌丟骨三寨南路盡平時自威茂達松潘從小河三舍漳臘官道兩傍修築邊牆護諸往來堵禦竊發一時稱便其後牆稍圯隨時補葺義者謂南路後山自雄溪西寧以

四川通志

卷九十

武備

邊防

三

達蒲江北抵鎮平界倚山爲壘築城設敵樓建重關以扼首尾復增舊牆聯絡相援以防番寇則輪班戍軍可以盡革歲省兵餉可數十萬其周遭屯種歲之所入亦不下數百萬而其說未用初南路四十八寨惟手骨人荒沒舌最大兵備

一作千戶

上詔

巡邊至三寨三寨度詔至必道崖下乃竝伏伺詔過擊詔墜馬死副使林應節乘傳道沒舌沒舌人掠應節貨裝歸行褫其衣萬歷元年寇安化關明年寇歸化關又明年擊斷我糧道邀奪松潘諸轉

運軍食故事歲正朔撫賞諸夷遣判官齎銀幣道

三寨至是劫賞殺官吏黃申等四人于是御史摺

前事奏遣指揮曹希彬徐承業裨將易鶴陽勦之

殊死戰斬酋長白臉兒而三寨俱起希彬承業乃

統諸軍軍楊廣壤木瓜坪羅鍋嶺諸處十道竝發

先破人荒寨盡焚其寨房碉房兩寨見火舉鼓譟

自相騰踐然後官軍竝乘之賊大潰死者甚衆其

明年正月復賞羌會他寨嫻嫻兒子川吟匿三寨

導甲仲牛兒等陰入城以爲耳目賞羌者覺其姦

四川通志

卷九十

武備

邊防

三

乃搜得四人殺之當是時西有呷竹諸羌東有林洞諸羌爲四十八寨其外喇嘛番衆耳阿舍思熟浪牢熟等皆同時請降三寨盡平惟疊溪諸羌爲梗及白草番議用兵已久斷與梁逃黃頭山後拒絕羌衆不與通石泉令往諭其酋納麻舌皆降且嚴除三寨需索陋例曰新班錢熟衣錢架梁錢驪草錢放狗錢掛線錢斷酒錢而其後白草復叛白草風村野猪窩諸寨在武宗朝曾帥白若羅打鼓寇壩底指揮使何卿討平之其後嘉靖中陷平番